

**2253**

Komisija za vrijednosne papire Federacije Bosne i Hercegovine je, na osnovu čl. 12. i čl. 13. Zakona o Komisiji za vrijednosne papire ("Službene novine Federacije BiH", br. 39/98, 36/99 i 33/04) i čl. 98. tačka a) Zakona o tržištu vrijednosnih papira ("Službene novine Federacije BiH", br. 85/08), na 351. sjednici održanoj dana 27.09.2012. godine, donijela je

**RJEŠENJE****O OBUSTAVLJANJU DOZVOLE ZA OBAVLJANJE  
BROKERSKIH POSLOVA U PROMETU  
VRIJEDNOSNIM PAPIRIMA**

1. OBUSTAVLJA SE dozvola za obavljanje brokerskih poslova u prometu vrijednosnim papirima izdata po rješenju Komisije, broj 04-19-664/04 od 14.10.2004. godine, društvu "eBrokers" d.o.o. Sarajevo, po zahtjevu Društva.

2. Dozvola iz tačke jedan dispozitiva ovog rješenja se obustavlja do dostavljanja dokaza o ispunjavanju propisanih kadrovskih uslova, a najduže do tri mjeseca od dana donošenja rješenja.

3. U roku iz tačke 2. dispozitiva ovog rješenja Društvo je dužno izvršiti usklađivanje u pogledu dovoljnog broja zaposlenika sa važećom brokerskom dozvolom za održivost dozvole.

4. Društvo je dužno o izvršenju naloženog obavijestiti Komisiju i dostaviti dokaze o postupanju u roku iz tačke 2. dispozitiva ovog rješenja.

5. Ovo rješenje objavit će se u "Službenim novinama Federacije BiH".

Predsjednik  
Komisije za vrijednosne  
papire  
Federacije Bosne i  
Hercegovine  
Mr. **Hasan Čelam**, s. r.

Broj 04/3-19-251/12  
27. septembra/rujna 2012.  
godine  
Sarajevo

4. Podaci o javnoj ponudi:

Vrijeme početka javne ponude je 15.10.2012. godine.

Rok trajanja javne ponude: 31.12.2012. godine, uključujući i 31.12.2012. godine.

Kriterij uspješnosti izdavanja: Uplata 100% od inicijalne ponude ili 1.000.000,00 KM,

5. Banka depozitar: Volksbank BH d.d. Sarajevo,

6. Društvo za upravljanje dužno je, u roku od sedam dana od dana dobivanja odobrenja Komisije, objaviti Prospekt, iz tačke 2. dispozitiva ovog rješenja, u najmanje jednom dnevnom listu dostupnom na cijeloj teritoriji Federacije BiH, i o tome obavijestiti Komisiju,

7. Banka depozitar iz tačke 5. dispozitiva ovog rješenja dužna je Komisiji i emitentu dostaviti pismeni izvještaj o broju uplaćenih udjela.

Predsjednik  
Komisije za vrijednosne  
papire  
Federacije Bosne i  
Hercegovine  
Mr. **Hasan Čelam**, s. r.

Broj 05/3-19-261/12  
27. septembra/rujna 2012. godine  
Sarajevo

**ФЕДЕРАЛНИ ЗАВОД ЗА  
ПЕНЗИЈСКО/МИРОВИНСКО И  
ИНВАЛИДСКО ОСИГУРАЊЕ****2255**

Na osnovu člana 6. Zakona o organizaciji penzijskog i invalidskog osiguranja Federacije Bosne i Hercegovine ("Službene novine Federacije BiH", broj 32/01), člana 6. Statuta Federalnog zavoda za PIO/MIO ("Službene novine Federacije BiH", broj 38/03) a u vezi sa članom 141b. Zakona o penzijskom i invalidskom osiguranju ("Službene novine Federacije BiH", broj 49/00, 32/01, 73/05, 59/06, 4/09 i 55/12), Upravni odbor Federalnog zavoda za PIO/MIO, na 4. sjednici održanoj dana 28.08.2012. godine, donosi

**PRAVILNIK****O OSTVARIVANJU PRAVA IZ ČLANA 141a. ZAKONA  
O PENZIJSKOM I INVALIDSKOM OSIGURANJU****I. OPĆE ODREDBE**

## Član 1.

Ovim Pravilnikom propisuje se način, postupak i dokumentacija neophodna za ostvarivanje prava na isplatu penzija kod Federalnog zavoda za penzijsko i invalidsko osiguranje (u daljnjem tekstu: Zavod) u smislu člana 141a. Zakona o penzijskom i invalidskom osiguranju (u daljnjem tekstu: Zakon), povratnicima iz Republike Srpske u Federaciju Bosne i Hercegovine, koji su bili korisnici penzija ostvarenih u Društvenom fondu za penzijsko i invalidsko osiguranje Bosne i Hercegovine Sarajevo i kojima je isplata penzije vršena na teritoriju današnje Federacije BiH do 30.04.1992. godine.

**II. POJAM KORISNIKA PENZIJE IZ ČLANA 141a.**

## Član 2.

Pod korisnicima penzija u smislu člana 141a. Zakona koji imaju pravo na penziju kod Zavoda smatraju se povratnici iz Republike Srpske u Federaciju Bosne i Hercegovine, korisnici koji su ostvarili pravo na starosnu, invalidsku i porodičnu penziju, kojima je to pravo priznao Društveni fond za penzijsko i invalidsko osiguranje Bosne i Hercegovine Sarajevo, i kojima je taj Fond vršio isplatu penzije do 30.04.1992. godine na teritoriji današnje Federacije Bosne i Hercegovine.

Korisnici iz stava 1. ovog člana su korisnici koji su do 30.04.1992. godine kao takvi registrovani u bazi podataka matične evidencije korisnika prava kod Zavoda.

**2254**

Komisija za vrijednosne papire Federacije Bosne i Hercegovine na osnovu člana 11. i 12., a u vezi sa članom 13. Zakona o Komisiji za vrijednosne papire ("Službene novine Federacije BiH", broj 39/98, 36/99, 33/04), čl. 101. u vezi sa čl. 83. i 98. Zakona o investicijskim fondovima ("Službene novine Federacije BiH", broj 85/08) i čl. 31. Zakona o tržištu vrijednosnih papira ("Službene novine Federacije BiH", broj 85/08) rješavajući po zahtjevu Raiffeisen INVEST Duštvo za upravljanje fondovima d.o.o. Sarajevo za osnivanje Raiffeisen BALANCE otvorenog investicijskog fonda sa javnom ponudom i odobrenje Prospekta i javne ponude udjela fonda, na 351. sjednici održanoj 27.9. 2012. godine, donosi

**RJEŠENJE**

1. IZDAJE SE dozvola za osnivanje Raiffeisen BALANCE otvorenog investicijskog fonda sa javnom ponudom, Skraćeni naziv fonda: OIF Raiffeisen BALANCE,

2. ODOBRAVA SE Prospekt Raiffeisen BALANCE otvorenog investicijskog fonda sa javnom ponudom koji predstavlja JAVNU PONUDU ZA PRODAJU udjela otvorenog investicijskog fonda sa javnom ponudom Raiffeisen BALANCE, te Statut Raiffeisen BALANCE otvorenog investicijskog fonda sa javnom ponudom, kao sastavni dio Prospekta,

3. Podaci o vrijednosnim papirima-udjelima koji su predmet javne ponude:

Vrijednost jednog udjela u javnoj ponudi iznosi 100,00 KM,

## Član 3.

Korisnicima u smislu člana 141a. Zakona ne smatraju se korisnici-povratnici kojima je Fond za penzijsko i invalidsko osiguranje Republike Srpske priznao pravo na penziju temeljem novoutvrđenog činjeničnog stanja nakon 30.04.1992. godine.

Pod novoutvrđenim činjeničnim stanjem nakon 30.04.1992. godine smatra se: priznati posebni staž pripadniku Vojske Republike Srpske, navršeni staž osiguranja u Republici Srpskoj nakon 30.04.1992. godine, kao i priznato pravo na porodičnu penziju poslije 30.04.1992. godine od strane Fonda za penzijsko i invalidsko osiguranje Republike Srpske iza korisnika starosne ili invalidske penzije iz člana 2. ovog Pravilnika.

**III. POJAM POV RATNIKA IZ ČLANA 141a.**

## Član 4.

Povratnikom koji u smislu člana 141a. Zakona može ostvariti pravo na penziju kod Zavoda smatra se lice koje je kao raseljeno lice boravilo u republici Srpskoj i koje je u skladu sa članom 5. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", broj 15/5) stekla status povratnika u Federaciji Bosne i Hercegovine u općini prijeratnog prebivališta.

**IV. NAČIN OSTVARIVANJA PRAVA**

## Član 5.

Zahtjev za ostvarivanje prava na isplatu penzije po članu 141a. Zakona podnosi se nadležnoj kantonalnoj administrativnoj službi Federalnog zavoda za penzijsko i invalidsko osiguranje, prema mjestu prebivališta.

Kantonalna administrativna služba Federalnog zavoda na čijem području se zaključno sa 30.04.1992. godine nalazila isplatna adresa podnosioca zahtjeva je nadležna da vodi postupak i odlučuje o zahtjevima.

**V. POTREBNA DOKUMENTACIJA**

## Član 6.

Podnositelj zahtjeva iz člana 2. ovog Pravilnika dužan je uz zahtjev priložiti slijedeću neophodnu dokumentaciju:

- fotokopiju lične karte,
- dokaz o prebivalištu-CIPS,
- uvjerenje o statusu povratnika od nadležne općinske službe mjesta povratka,
- odjava iz evidencije statusa raseljenih lica,
- uvjerenje o postojanju prijave na zdravstveno osiguranje na području Federacije Bosne i Hercegovine,
- rješenje o priznatom pravu kod Fonda za penzijsko i invalidsko osiguranje Republike Srpske,
- uvjerenje o isplati penzije Fonda za penzijsko i invalidsko osiguranje Republike Srpske,
- rješenje o prestanku isplate kod Fonda za penzijsko i invalidsko osiguranje Republike Srpske.

**VI. POSTUPAK OSTVARIVANJA**

## Član 7.

O zahtjevima iz člana 5. ovog Pravilnika odlučivat će se u skladu sa odredbama: Zakona o penzijskom i invalidskom osiguranju, Zakona o upravnom postupku ("Službene novine Federacije BiH", broj 2/98 i 48/99), Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine, ovog Pravilnika i drugih propisa.

## Član 8.

Pravo na isplatu penzije korisnicima iz člana 2. ovog Pravilnika pripada od dana podnošenja zahtjeva, a najranije od stupanja na snagu Zakona o izmjenama i dopunama Zakona o penzijskom i invalidskom osiguranju ("Službene novine Federacije BiH", broj 55/12) odnosno od dana prestanka isplate penzije kod Fonda za penzijsko i invalidsko osiguranje Republike Srpske.

## Član 9.

Korisnik penzije iz člana 2. ovog Pravilnika, ukoliko nakon donesenog rješenja o preuzimanju na isplatu penzije od strane Zavoda odseli u inostranstvo, zadržava pravo na isplatu penzije u skladu sa članom 107. Zakona.

**VII. PRELAZNE I ZAVRŠNE ODREDBE**

## Član 10.

O zahtjevima za ostvarivanje prava na isplatu penzije podnesenim kod Zavoda prije stupanja na snagu Zakona o izmjenama i dopunama Zakona o penzijskom i invalidskom osiguranju, to jeste prije 28.06.2012. godine, po kojima postupak nije okončan, odlučit će se po odredbama Zakona o izmjenama i dopunama Zakona o penzijskom i invalidskom osiguranju i odredbama ovog Pravilnika.

O pravu na isplatu penzije, po zahtjevima iz stava 1. ovog člana odlučit će se u skladu sa članom 8. ovog Pravilnika.

## Član 11.

Ovaj Pravilnik stupa na snagu danom dobivanja saglasnosti od Vlade Federacije Bosne i Hercegovine, a objavit će se u "Službenim novinama Federacije BiH".

Broj UOFZ-90/12

28. augusta/kolovoza 2012. godine  
Mostar

Predsjedavajući  
Dr. sc. Ivo Rozić, s. r.

(SI-1079/12-F)

**ОПШТИНА КЉУЧ****2256**

Na osnovu člana 47. Zakona o pravobranilaštvu ("Službeni glasnik USK", broj 20/04), člana 23. Statuta općine Ključ - prečišćeni tekst ("Službeni glasnik općine Ključ", broj 3/10 i 3/11) i prijedloga općinskog načelnika, Općinsko vijeće općine Ključ, na svojoj XLIII sjednici održanoj dana 27.9.2012. godine, donosi

**RJEŠENJE****O IMENOVANJU OPĆINSKOG PRAVOBRANIOCA  
OPĆINE KLJUČ****I**

Za općinskog pravobranioca općine Ključ imenuje se ĐUMIŠIĆ RAJFA, diplomirani pravnik iz Ključa.

**II**

Mandat općinskog pravobranioca traje 4 godine.

**III**

Ovo Rješenje stupa na snagu danom donošenja, a objaviće se u "Službenim novinama Federacije BiH" i "Službenom glasniku općine Ključ".

Broj 05-02-2587/12  
5. oktobra/listopada 2012.  
godine

Predsjedavajući  
Općinskog vijeća  
Fadil Jakupović, s. r.

(SI-1081/12-F)